

萬有文庫

第二集七種

王雲五主編

元詩紀事

(五)

陳衍輯

商務印書館發行

元詩紀事

(五)

張翥撰

上海古籍出版社

元詩紀事卷二十六

陳有定

有定一名友定字安國汀之歸化人官至福建行省平章政事。遂據閩中。明兵至被執送京師死。列朝詩集有定爲元守閩招致文武士長樂鄭定輩在幕下以行省郎中廬州王翰德望表授潮州路總管元末張士誠據吳方谷真據慶元皆能禮賢卜士而閩海之士歸于有定一時文士遭逢世難得以苟全者亦羣維之力也有定起傭僱目不知書卒能通曉文翰其子宗海善騎射佐有定據閩十年亦能賓禮文士有定被執宗海自將藥死父子稱完節焉。

閩部疏建寧行部司是元陳平章有定開府極宏麗初以鼓樓爲門今移人二百步許猶則朗可觀後閩有竹樹池沼亭臺之勝細泉溝流溢爲方沼其源直從處州龍泉來抵此始入溪。

送趙將軍

纔橫薄海內不愴別離顏。幾載飄零意。秋風一劍寒。

被收作

失勢非人事。重圍戟似林。乾坤今已老。不死舊臣心。

筆精陳有定元末倡義勤王太祖恨其不歸附置之重辟有定雖起行伍而亦能詩送趙將軍云云及被收之後作詩云云。

王翰

翰字用文，靈武人。先世本齊人，沒於西夏。元初賜姓唐兀氏，家廬州。用薦官至潮州路總管。有友石山人遺稿。

賦詩見志

昔在潮陽我欲死，宗嗣如絲我無子。彼時我死作忠臣，覆祀絕宗良可恥。今年辟書親到門，丁男屋下三人存。寸刀在手顧不惜，一死了却君親恩。

元詩選：陳有定據守全閩，留居幕府。陳氏敗，屏居永福之觀獵山，自號友石山人。如是者十年。辟書再至，歎曰：女豈可更適人哉！時長子偁纔九歲，屬其友人吳海，且賦詩見志云云。遂白引決。

伯顏

伯顏字子中，西域人，官至兵部侍郎。

元史：其先西域人，後仕江西因家焉。子中明春秋，五舉有司不第。行省辟授東湖書院山長。江南盜起，授分省都事，使守贛州。而陳友諒兵已破贛，子中倉卒募吏民與鬪，城下不勝，脫身間道走閩。陳友定素知之，辟授行省員外郎，出奇計復建昌。浮海如元都獻捷，持節發廣東何真兵救閩。至則廖將軍永忠已降何真，子中跳墜馬折一足，致軍前。永忠欲脅降之，終不屈。義而舍之，變姓名冠黃冠，浮行江湖。聞太祖求之不得，簿錄其妻子。子中竟不出，久之事寢解，乃還故里。洪武十二年，詔令郡縣舉元遺民將官之不應者論重辟。布政使沈本立密言子中於朝，詔以幣聘，使者

至。子中太息曰。死晚矣。爲歌七章。飲酣而死。

七哀詩七首

有客有客何纍纍。國破家亡無所歸。荒村獨樹一茅屋。終夜泣血知者誰。燕雲茫茫幾萬里。羽翮鍛盡孤飛遲。嗚呼。我生兮亂中。遭不自我先兮。不自我後。

我祖我父金月精。高曾累世皆粹纓。歲維丁卯吾以生。於赫當代何休明。讀書願繼祖父聲。白頭今日俱無成。我思永訣非沽名。生死逆順由中情。神之聽之。和且平。嗚呼。祖考兮。俯聽假。簋豆失薦兮。我之責。我母我母何。不辰。腹我鞠我。徒辛勤。母兮淑善宜壽考。兒不良兮。負母身。穀維新兮。酒既醇。我母式享無悲辛。嗚呼。母兮。母兮。無遠適。相會黃泉在今夕。

我師我師心休休。教我育我靡不周。四舉濫叨感師德。十年苟活貽師羞。酒旣陳兮。師戾止。一觴我奠涕泗流。嗚呼。我師兮。毋我惡。舍生取義未遲暮。

我友我友。全公海公。愛我愛我兮。人誰與同。惟公高節兮。寰宇其空。百戰一死兮。偉哉英雄。嗚呼。我公兮。斯酒斯酌。我魂我魂兮。惟公是托。

我子我子兮。嬌且癡。去住存沒兮。予莫女知。女既死兮。骨當朽。女苟活兮。終來歸。嗚呼。女長兮。毋我議。父不慈兮。時不利。

鳩兮。鳩兮。置女已十年。女不違兮。女心斯堅。用女今日兮。人誰我冤。一觴進女兮。神魂安然。嗚呼。鳩兮。果不我誤。骨速朽兮。肉速腐。

七修類稿。先一夕具牲醴。作七哀詩。祭其先與昔時共事死節之士。復手書短歌一篇。寄別熊鈞。以後事屬之。飲藥而卒。詩云。

林諫

諫字格非。青田人。官至兵部侍郎。

句

淚寫血書寄吾弟。早令昂姪繼吾宗。

元詩癸集。明太祖既平吳。諫遣姪南歸。并寫其像遺從弟詢。作詩有云云。聞者哀之。明兵至通州。從元主遁於沙漠。

吳訥

訥字克敏。休寧人。官建德路判官兼義兵萬戶。有萬戶集。

破紅巾

君不見斬黃兒。紛紛白馬張紅旗。去年陷湖北。今年陷淮西。遂令深山之民皆帶甲。四海瀕洞含瘡痍。堆金積玉亦何有。略地攻城徒爾爲。又不見黃連寨。左帶溪山右淮海。大兵如日照雪霜。百萬紅巾一朝敗。親王按劍定中原。丞相分兵救吳會。邊人不識韓將軍。極口爭誇鐵元帥。八座東開昱嶺關。羣偷欲度愁躋攀。奇兵間道絕歸路。可憐白骨高如山。桂林老臣再徵起。坐鎮西垣幾千里。昨聞餘黨犯其鋒。血作龍沙半江水。南方猛獠勇莫當。自謂効義收蕪黃。賊徒一見驚喪膽。堅壁不出知天亡。諸君力盡在此舉。集

穴不平。鼠爲虎。相期麟閣畫丹青。却憶虞廷舞干羽。

昱關行

昱關鐵騎爭馳突。白羽紅翎送金鏑。可憐五嶺之中間。朽骨茫茫照寒日。賊徒散走東南回。却倚黃連足。堅壁四面長圍築已成。礮架崔巍向城立。自知九死不一生。猶捲朱旗戰原隰。君不見韓將軍。陷陣常呼萬人敵。我當從之斬妖賊。

戰昱嶺關

鼓角聲雄隊伍齊。揚兵曉戰昱關西。黃金匣動雙龍出。赤羽旗開萬馬嘶。露布不煩諸將草。詩篇還効古人題。沙溪春酒甜如蜜。醉臥花陰聽鳥啼。

新安文獻志。楊鐵崖曰。克敏謁予。七者寮。出其所爲詩。予奇其人。適垣府相臣招致名士。講及三關之事。克敏慨然有擊楫中流之志。無幾。遂統士會諸軍於昱關。予聞而益奇之。其才勇忠義。實得於天性。則知嚮所爲詩。皆筆積之餘耳。

句

怪石有痕龍已去。落花無主鳥空啼。

新安文獻志。克敏以元義兵萬戶守昱關。與天兵再戰不利。退守札溪。題怪落花一聯於石壁。遂自剄。永嘉孔從善爲足成之。

孔從善

從善字門口永嘉人

續龍爪石壁題句

萬里西風起馬蹄。金戈回日塞雲低。未爲豫讓先亡趙。欲効田單獨報齊。怪石有痕龍已去。落花無主鳥空啼。至今天與英雄恨。嗚咽泉聲下札溪。

列朝詩集。方行以元義兵萬戶守昱關。與明兵戰不利。退守札溪。題怪石落花一聯於石壁。遂自刎。孔從善爲足成之云。案牧齋全以吳訥事屬方行。然訥守札溪。見元史本傳。會軍昱關。又見文獻志。述鐵崖之言。殆訥字克敏。而行字明敏。故混而致誤歟。

丁鶴年

鶴年以字行。一字永庚。西域人。明永樂間卒。有海巢集。

仰山脞錄。常卜日葬其父。雨至。十日不止。鶴年仰天悲泣。翼日雨止。葬畢。雨如初。時兵亂後。失母墓所在。悲慕深切。夜夢母告以葬所。鄰翁韓重者亦夢焉。卽其地求而得之。見母屍正中一齒如漆。復囑指血試之。良驗。人呼丁孝子。

海巢集。夢得先妣墓詩序。己未夏五月還武昌。遷葬。兵後陵谷變遷。先妣封樹。竟迷所在。久尋不得。露禱大雪中。冬十一月二十日夜。忽感異夢。翼日遂得其處。

過九江追悼李子威太守

瓣香遙拜九江城。太守精神日月明。叔姪並歸忠義傳。江山不盡古今情。潮回滙浦聲猶怒。雲起爐峯氣

未平生死總魁天下事。丈夫端不負科名。

昏贖一首錄呈靈淵老師求印友

老來昏贖底須嗟。聲色塵忘也自嘉。秋枕不驚風外葉。春杯長對霧中花。海師唱道禪多悟。張鼎題詩字半斜。幸有靈臺長不昧。目觀耳聽總無差。

題貓

食有溪魚臥有桐。有恩深許更無倫。若將乳鼠誇爲瑞。恐負隆冬蜡祭人。

竹枝詞

竹雞啼處一聲聲。山雨來時郎欲行。蜀天恰似離人眼。十日都無一日晴。

詠蟬

蟬性極清高。愁吟類楚騷。炎天風露薄。度日亦嗷嗷。

採蓮曲

採蓮復採蓮。仍唱採蓮曲。若欲知苦心。須食蓮中肉。
採蓮復採蓮。踟躕一何久。不愁花如容。惟恐刺傷手。
採蓮復採蓮。藕亦不可棄。中有不斷絲。似妾纏綿意。
採蓮復採蓮。爭如採荷好。花謝葉獨存。團圓以終老。
採蓮復採蓮。湖水清且深。徒能照妾面。不能照妾心。

採蓮復採蓮。下有孤鶯愁。秋花不結實。夜夜守空房。

蠟精雋。丁鶴年詩律極工。有集一帙。國朝楚藩爲敍。稱其庶幾於老杜。追悼九江李子威輔太守云云。昏瞢云云。詠貓云云。竹枝云云。詠蟬云云。採蓮曲云云。皆含諷本情。關教言志。可謂不徒作矣。

長江萬里圖 將歸武昌百賦二首

長江千萬里。何處是儂鄉。忽見晴川樹。依稀認漢陽。

長嘯還江國。遲回別海鄉。春潮如有意。相送過潯陽。

詩數元題書五言小詩。虞伯生柯氏山水圖。揭曼領瀟湘八景圖。丁鶴年長江萬里圖。李籍皆頗天趣。

題鳳浦方氏梧竹軒

鳳鳥曾聞此地過。至今梧竹滿邱阿。政書菊葉書周史。卻恨翻枝入楚歌。金井月明秋影薄。石壇風細晚涼多。中郎去後知音少。其負奇才奈老何。

歸田詩話作者已滿卷。此詩一出。皆爲檢衲。

逃禪室與蘇伊舉話舊有感

不學揚雄事草玄。且隨蘇管暫逃禪。無錫可卓香嚴地。有柱難擎杞國天。謾詫丹霞燒木佛。誰憐玉露泣銅仙。茫茫東海皆魚鼈。何處堪容魯仲連。

句

行蹤不異鳥東徙。心事惟隨雁北飛。

歸田詩話。方氏據浙東。深忌色目人。鶴年畏禍。遷避無常居。有句行蹤云云。識者憐之。又逃禪室。與蘇生話舊云云。感時書事。而鍊句精緻如此。

王逢

逢。字原吉。江陰人。自號席帽山人。又號梧溪子。又號最閑園丁。洪武間卒。有梧溪集。陳敏政梧溪集後序。先生嘗自標題其微詞奧義。及人名地里之難曉者。於各詩之首。

七月間河南平章凶問

六月妖星芒角白。幾夜徘徊天市側。尋聞盜殺李上公。窮旅孤臣淚沾臆。當時寬猛制荏澤。安得受降翻受敵。上公忠名垂竹帛。書生笑爲費棹楫。東南風動旗黃色。蒲梢天馬長依北。

列朝詩集。王寅六月。田豐王士誠刺殺李忠襄於濟南城下。先是順帝見星變。歎曰。當損大將。馳使戒諭忠襄。正此詩所謂妖星芒角也。

帖侯歌有引

昌國州。字達魯花赤。高昌帖木兒平章買住之猶子也。海寇犯境。侯連與戰破之。衆寡不敵。或勸侯遁去。侯曰。是吾死所也。遂死之。江浙省參政樊執敬爲文遣使致祭。請諡于朝。逢爲作歌云。

仙居縣承寇海邦。白晝突入千矛鏑。帖侯親騎大宛馬。快劍躍出蒼龍雙。鬚張臂裂赫如虎。殺氣雄風助。

號武。鬪。擲地血飛雨。短兵未接寇偃鼓。天南弧矢夜掩光。狼角赭赤雲玄黃。洪濤鯨鯢去咫尺。再戰身與城存亡。縹緲千百水犀手。主者誰歟仆旗走。岳立不轉縱殺之。殉忠國家良亦厚。君不見台州牧長金兜鍪。氣節自是名臣流。情鍾兒女挫堅銳。卒墮賊計空貽羞。男兒眞僞那料得。長松古柏寒增色。鴻飛冥冥我何及。落日荒山淚橫臆。

張武略有序

侯諱珍字元諒堂邑人。以磨受武略將軍。穎川翼萬戶鎮杭。至正十二年冬。徽寇陷常。侯引兵伏橫林。偵得其狀。連敗之。乘勝深入。常悉平。明年春。移戍婁江。海漕罷警。夏六月。江陰儉民江卒二人作耗。太尉納麟檄侯討之。父老上謁。必親慰曰。某義不與賊俱存。須蜂蟄掃跡。郊鄙輸賦。流移歸業。以謝父老。苟不幸。先士卒死。亦無憾也。父老感泣。未幾俘若干人。射死其手旗者。秋八月。浙東元帥野合。先侯進屯胡村。賊縱火迫胡村。各分地出戰。賊蔑以當。侯潰去。輒勒兵助野。時野與裨校鄧溥賢死矣。侯機發弩。殲復大敗之。以返。失二郡將。侯奮激曰。將陷而獨全。恥。急追之。冒圍以入。江中三矢。卒被創甚。其黨度擒江卒。將魚肉其類。因并力來抗。侯矢盡馬蹶。精銳傷者過半。乃拔所佩刀。蹂殺數百人。以死。先是。浙省參政買朮。分制常。侯嘗直言忤之。故其臨敵也。按不之援。以至不利云。

張武略。馬中驃。鷗中鵠。神清氣完。志落落。決昔萬里空沙漠。紅巾據有南蘭陵。無人先執盤弧弩。角弓朝分雲漢月。血刃暮洗官壕冰。黃金璫甲鎮江微。食甕漿壺駢父嫗。刁斗嚴城令密傳。菜果漫村跡如掃。陸

州方臘絕饒道。素服威名能侵擾。陋邦寇規誰使然。令我諸君師盡老。孟勞寶刀龜甲文。繙然佩之星入
氛。虎賁千百濟。虓猛禽獮草。難收奇勳。浙東元帥亦不羣。羅闌狗附聯陣雲。兩軍鼓行屋瓦墜。殺聲直上
蒼天聞。牙張距趯開復合。左啓右肘煙堽接。勢如驚風振槁葉。冒圍蹂賊賊膽裂。賀蘭陰拱僅自守。檀公
上計無乃走。王琳遣愛壽陽間。袁崧殉名滬濱口。妖星黨現秋日微。英雄命薄將安歸。連營陷敵泯功業。
別部抱憤無品輝。殘兵古吏望鄉哭。偷生可誅死可錄。我招其魂歌楚曲。高寒吹下雙鴻鵠。

張孝子布序

張孝子諱天麟字仲祥。平江之嘉定人。祖珣。江西參政。初從忠武王平江南。既航宋國。籍重器。自
海入朝。復建策海漕江南粟。世皇特寵任之。由是與河南左丞。崇明朱清貴。富爲江南望。至元末。
儉人姚訥。誣二氏瀕海異志。上不聽。詔丞相完澤曰。朱張有大勳勞。朕寄股肱。卿其卒保護之。成
宗嗣位。未幾疾。后專政。樞密斷事官曹拾得。以隙踵前誣。后信。輒收之。丞相完澤奉先帝遺詔。諍。
莫解。參政竟獄死。籍其家。沒入諸子女。或賣之漠北。麟時年甫冠。諸王有欲奴朱張後者。麟長喟。
曰。吾先世戮力王室。一旦無罪廢。乃忍奴我族耶。泣訴將作使忻都。爲奏占匠戶。諸女亦入繡局。
麟猶以冤。食不甘味。寢不安席。大德九年春。詔之省臺。弗理。夏四月。上清暑上京。麟拜筵道左。有
命侍臣代問。旨未得。又伏東華門。歔歔流涕不輟。言甚哀婉。歷陳先朝顧遇。爲議佞構陷狀。尋勅
中書省遣使召還。竄者改父文龍。董日本賈船。武宗初。超遷都水監。仍俾治海漕。大同徙大順公。
奏免匠役繙工家令。星哈思的啓皇太子。以麟直宿衛。至大三年。選授麟終路坑冶提舉。弗就。曰。

營坑吾家。尙何坑爲。仁宗御極。眷幸益隆。載念曾大父未有葬地。其上海之烏涇別業。參政尤樂之。卽陳請於上。曰。此孝順之道也。詔中正院還其籍土。爲議者沮。延祐二年春。請復感切。始如其志。秋八月。撫藏以祖妣太夫人趙妣時王清獻公郡中來會葬。以上嘗語題其門口。孝順之門。元統二年。江浙平章牙不花薦舉。終不起。麟晚通易。子守中。前鄉貢進士。嘉禾俞鎮爲著誌。逢括其概。系以詩。詩曰。

三朝雪涕大明宮。咫尺威顏幸感通。百輛珠犀歸寶藏。千區松柏倚青空。天妃罷燭滄溟火。野史追揚孝里風。誰謂奸臣終愧漢。石榴苜蓿也封功。

丙申八月紀事時自鄉里入吳還華館遂卜隱鴻山

寸舌解重圍。長歌振短衣。不成巢父去。空似魯連歸。蔡港沙田薄。黃山宰木稀。伯鸞吾所慕。梅李況魚肥。

天門行

天門高高俯四極。寸田尺地登版籍。澤梁無禁漁者多。瀚海橫戈恣充斥。去年官餽私歛攘。今年私鹺官價償。屠燒縣邑誠細事。大將不死鯨鯢鄉。謂字羅帖本見左丞烹羊椎牛醉以酒。腰纏白帶紅帕首。定盟歃血許自新。禦寇征蠻復何有。國家承平歲月久。念汝紛紛迫餓口。羽林堅銳莫汝撓。慎勿較夸好身手。春風柳黃開陣雲。號令始見填將軍。

憂傷四首上樊時中參政蘇伯恪運使

竹筴黃時海寇戴竹笠以拒官軍。黃金兜鍪勢相當。兜鍪本居大將壇。左劍右印增威光。邊隅將校望塵

拜州縣曹佐聞風假況從元首授元柄稍忤言意違軍令不因舊疫自焚船那致生靈輕陷命竹笠黃兜
鑿相當難走藏兜鑿且晚先戎行

官柳場青茫茫野鷹交飛撲馬驕年年十月幘門張元戎始來坐虎牀翼舒箕哆魚麗行鼓進金退兵家
常起伏見讖孫武子勾卒貽笑曹成王千夫散盡旌旗定偏裨隊伍相呼應幾處私恩誤主恩一回酒令
行軍令酒醉邊隅事不聞邊隅擾擾多煙氛

無家燕

嗟嗟無家燕飛上商人舟商人南北心射影東西流片漂春雨外花落暮雲頭豈不懷故棲蜂暗黃鶴樓
樓有十二簾一一誰見收衆雛被焚蕩雙翅亦斂擎含情盼鬼蝶失意依訓練茅茨固低小理勢難久留
昔本烏衣君今學南冠囚燕燕何足道重貽王孫憂

梧溪集楊維禎序梧溪集者江陰王逢氏遭喪亂之所作也予讀其詩悼家難憫國難探撫貞操
訪求死節網羅俗謠與民謳如帖木侯張武略張孝子費夫人趙氏女丙申紀事月之初牛天門
行竹笠黃官柳場無家燕諸篇皆爲他日國史起本亦杜史之流歟

遊崑山懷舊傷今

丈夫貴善後事或失謀始桓桓張楚國挺生海陵里一門蓄大志羣雄適蜂起玄珠探甕社白馬飲漸水
三年車轍南北向復同軌量容甘公說情厚穆生醴誓擊祖生楫竟折孫策箠天王詔褒贈守將躬歲祀
翼然東昆丘蘭橈映疏綺青蘩春薦豆翠柏寒動榮乾坤有孤臣風雨狷五鬼銅駝使有覺海懼荆棘杞

列朝詩集張士誠降元元追封士德爲楚國公廟祀崑山楊廣夫詩所謂先封楚國碑也

寄桃浦諸故知卽事

山床折足琴暗日種菊不種西山薇願從漢士碑有道夢逢秦鬼歌無衣閒園不入煙火境巨浸盡漂桃上梗老伴惟餘臥隴雲抱晦含光體常靜

有章擲還太尉閣有版不受丞相垣南朝天子許謝病竊長木石儀鸞園平生氣節詩千首才非元亞元遺山甘劉後劉靜修素聞魯廟鑄金人晚學程門坐泥偶雙平原裏新得厚名庶全歸他日壻銘辭大手列朝詩集此原吉戊辰歲卽事寫懷寄故知之作蓋絕筆也詩稱我太祖高皇帝尙曰南朝天子又曰夢逢秦鬼歌無衣眞所謂倔強猶苦耶

無題五首

五緯南行秋氣高大河諸將走兒曹投鞍尙得齊熊耳卷甲何堪棄虎牢汧隴馬肥青苜宿甘梁酒壓紫蒲萄神州比似仙山固誰料長風掣巨鼉天槍幾夜直鉤陳車駕高秋重北巡總謂羽林無猛士不緣金屋有佳人廣寒霓仗閒華月太液沚舟動白蘋雪滿上京勞大饗西風華岳弔秦民白衣艣艣渡吳兵赤羽旌旗奪趙營灤水天迴龍虎氣榆林風逐馬駝聲靚妝宮女愁啼竹白髮祠官憶薦櫻猶有海騰神不王鴛鴦高去寒雲平五城月落靜朝雞萬竈煙消入水崖椒闥珮琚遺白草木天闕結冷青藜北臣舊說齊王肅南仕新聞漢

日禪。天意人心豈何在。虎林還控雁門西。
廿載卒。雄百戰。疲金城。萬雉自湯池。地分玉冊盟俱在。露仄銅盤影不支。中夜馬驚風北向。當年車轍日
南馳。獨憐石鼓眠秋草。猶是宣王頌美辭。

後無題五首

一國三公狐貉衣。四郊多壘鳥蛇圍。天街不辨元黃馬。宮漏稀傳日月闌。嵇紹可能留澣血。謝元那及總
戎機。祇應大駕懲西楚。弗對虞歌北渡歸。
叶蕃回紇使何如。馮翊扶風守太疎。范蠡不聞勾踐難。樂生何忍惠王書。銀河珠斗低沙幕。乳酒黃羊減
拂廬。北陸漸寒冰雪早。六龍好扈五雲車。
回首崑崙五色天。疎風落日重銅僊。傷騷八駿非忘鑄。辜置千金舊慕燕。地限上林雲過雁。雪封西嶺樹
啼鵲。遠慚行在周廬士。橫草無功日晏眠。
險塞居庸未易剿。望鄉臺上望鄉多。君心不隔丹墀草。祖誓無忘黑水河。前後炎劉中運蹙。東西元魏百
年過。愁來莫較興衰理。只在當時德若何。
黃河清淺海塵揚。陝月關雲氣慘蒼。寧復明珠專甃社。尙論玉兔踞金牀。衣冠並入梁園宴。簡冊潛回孔
壁光。私幸老歸忘世事。梧桐朝影對溪堂。

列朝詩集無題前後十首皆感悼王師人燕庚申北狩之事。

列朝詩集原古爲張氏畫策使降元以拒臺故其游崑山懷舊傷今之詩於張楚公有餘惻焉前